

Пашнин Егор

Ваткыль Микаль висьтасьомысь

(Серамбана висьт)

Оти Эжва йывса сиктын овліс вөралысь-кыйсьысь. Нинөмөн эз и торъяв мукөдсьыс. Нимыс сиктса ног Ваткыль Максё. Ставыс бур сиктса мужичёйлөн. Керка стрөитөма, пож тыр семья кок вылө лэптөма. Челядьыс тай сөмын бордьясисны да лэбзялісны карлань. Медся дзоляыс сиктө кольччис, слабог. Гашкө, внук-внучкаыс сиктса олөмсө водзө нуөдасны.

Надея эм Ёгор внук вылас. Зэв вежөра зон быдмө. Öтарө корө, мед пöльыс мойдыштас серамбана висьтъяс. Сылы, дерт, серамбана. Оз на ставсө гөгөрво да. Оз сиктса мужикъяс моз серав пöльсө. Найө тай öтарө индöны, Ваткыль Максё кö пö некутшөм историяö эз веськав - сө дивө!

Внукыслы и висьталас-мойдас ставсө, кызди эм. Мед кывзас, окота кö.

Дас сизим арöса зон на вöлі Максё. Весиг öти нылöс на морöс бердас эз кутыштлы. Первойысь вөр керкаö шуисны öтнас зонтö кольны. Но том вөралысь Марта каньсө тöварыш пыдди босьтис. Питшөгас и катöдис. Вель ыджыд вöлök вуджисны кöзяина-каня. Ставыс бур эськө вöлі, эз кö Мартаыд ывлаö лэдзöм бöрад гортланьыс кут ризöдны. Но, Максёлы пемыднад öтнаслы абу жö гажа пемыд вөр шöрад кольччыны. Гортас воисны кöзяина-каня, кашкöны мудзысла. Серам али мый тайö?!

Либö со ещö. Том морт 4 час асылын мунис утка кыйны. Сиктса шойна дорті мунігөн Максё думсьыс кевмысис пöчыслы, мед уна кыйдöс шедö, мөвпаліс ас кежсьыс гусьöник. Друг кодкө кыз тай горöдас: «Кымын час нин?!». Вöлöма пес вöчысь. Он жö тадз горöд! Мортыд кок йывсьыс усьö повзьöмысла. Бара пöслövичаалісны, кöч сьöлöма Максё пö.

Ваткыль Максё абу сямтöм морт. Вöрсянь куш киөн некор эз воы. Скötөн да живötөн гозья олісны, мирөн да сöгласөн. Гöтырыс рочакань кодь Машук. Сöмын рочасьнытö оз куж. Сиктсьыд петавлытöг кытысь и велавнысö вöлі. Лэччас Машук кагасö врачлы петкöдлыны. Семдöдчö да. Врачыд роч, комиөн оз гөгөрво. Но и рочалас Машукод: «Вчера ребёнок плакал-плакал, недоплакал и помер. Спать-спать да помер». Врачыдлөн öчкиыс чуймöмысла плеш вылас чеччыштас: «Как помер, живой да?!».

Гöтырыс рочасьны оз куж, а дöсадитлö жö верöссö. Висьтав пö, дорогой супруг, кызди выль косанад ытшкин. Да ставыслы петкöдлö пиньтöм курансö. Батьыс на Максёлөн, шонъянöй, том дырйиыс вöчліс, тавöдз служитис Максё гозьялы быд турун пуктігөн. Кытчöдз эз ньöбны мотокосилка.

Мотора выль косаыд тай ён вöлöма. Кöзяин тöдлытöгыс куран пиньястö и ытшкыштöма тшötш турун сорыс. А гöтырыс юасьö, пиньыс пö кураныдлөн где, изьверг.

Быттьö эз куран пинь, а мöс кок ытшкыштöма лои. Рочасьö ещö. Скоди пö озеро вылад да дзодзöгтö кый.

Бара на шогöдiс морттö. Юрас ставыс локтiс кино моз. Видзöдiс телевизор пыр, приманка пыдди пö позьö гортса дзодзöгтö ты вылö лэдзлыны. Чучела пыдди. Но и катöдiс Максö гортса пöткатö ты вылад, кызди тшöктiсны передачаын. Кокöдыс крепыда көрталiс. А гортса видзанторйыд ён вöлöма. Тракйысис-тракйысис да и мынтöдчис. Ковмис кыйсьысьлы асьыс госа дзодзöгсö лыйны да гортас прöмыс пыдди вайны. Мыйла вот мужикъяс оз гөгөрвоны, мый тайö вöли эксперимент?

Ставыслы окота тöдны, мыйла Максööс Ваткыльöн нимтöны?! И тайö на ковмас висьтавны дай. Вөрö кайисны ёртыскöд. Велöдiгмоз Вась босьтас аскöдыс том кычиöс. Велавтöм том понйыд быдлаö ылалö. Максö ылöджык вешъяс, а Педөр Вась кутас вöрсö косявны: «Ваткыль! В-а-а-аткыль!» Но Максö сэтчö и шыödчас: «Мы-ы-ый?!» Вот и нажöвитас Ваткыль прöзьвищетö.

Ёгор внукус гөгөрвоö пöльыслысь сьölöм дойсö. Эн пö шогсьы. Колö пö тешитчысьлы шуны: «Абу серам, абу теш, кодi гөрдлö, ылö кеж...» Тайö пö заговор. Сэсся пö быттьö некод оз кут дöсадитчыны. Ковмас, тыдалö, видлыны Максöлы и тайö экспериментсö.